



SAKSFRAMLEGG

Saksnr:	Utval:	Dato
14/2023	Formannskap/plan- og økonomiutvalet	17.01.2023

Sakshandsamar:	Arkiv:	ArkivsakID
Tore Henrik Øye		22/1321

SØKNAD OM TILSKOT TIL VATNINGSVOGN FRÅ NÆRINGSFONDET FELLESTILTAK MELLOM TO BRUK PÅ NESHEIM I EKSINGEDALEN

Vedlagte saksdokument:

Søknad om tilskot til samkjøp av vatningsvogn
Fakt Grønt Maskin 21
2021 - faktura 88 - Haldis og Gaute Øvstedal

Kommunedirektøren sitt framlegg til vedtak:

Formannskap, plan og økonomiutvalet (FPØ) løyver inntil kr. 82 693,- i tilskot frå Vaksdal Kommunale Næringsfond til føretaka Gaute Øvstedal og Lars Bjarte Nesheim ved innkjøp av felles vatningsvogn til bruk på jordbruksareal/graseng i Eksingedalen.

Løyvinga er gjeve med bakgrunn i fondsvedtektene § 2 «Formål».

Tilskotet utgjer 30 % av godkjent kostnad på 275 645,- eks. mva, og er knytt til innkjøpskostnaden.

Tilskotet vert betalt ut etter innsendt sluttrapport med kostnadsdokumentasjon.

Løyvinga gjeld til og med 01.10.24. Etter dette vert tilskotet trekt attende.

Saksopplysningar:

Samandrag/konklusjon (kort om saka)

Vaksdal Kommunale Næringsfond skal nyttast til å fremje næringsføremål i kommunen i tråd med fondsvedtektene § 2 «Formål».

Formannskapet-/plan- og økonomiutvalet (FPØ) er fondsstyre, og tildeler midlar etter innstilling frå administrasjonen.

Landbruksføretaka Gaute Øvstedal og Lars Bjarte Nesheim søker om kr. 165 387,- i tilskot til innkjøp av felles vatningsvogn for bruk på jordbruksareal i Eksingedalen. Søknadsbeløpet utgjer 60 % av investeringskostnaden på kr. 275 645,- eks. mva.

Kommunedirektøren går inn for å løyve inntil kr. 82 693,- i tilskot frå næringsfondet til innkjøpet av vatningsvogn. Tilskotet vil utgjere 30 % av kostnaden, som er maksimal tilskotssats i høve fondsvedtektene § 4 «Stønadsvilkår»

Bakgrunn for saka

Vaksdal Kommunale Næringsfond skal nyttast til å fremje næringsføremål i kommunen, inkludert primærnæringa. Prosjekt/tiltak som medverkar til nyskaping og moglegheit for sysselsetting, skal prioriterast, jf. fondsvedtektene § 2.

Fondsstyret, ved Formannskapet/plan- og økonomiutvalet (FPØ), fattar vedtak om løyving frå fondet, etter innstilling frå administrasjonen.

I søknad av 10.11.22 søker føretaka Gaute Øvstedal og Lars Bjarte Nesheim om kr. 165 387,- i delfinansiering frå kommunalt næringsfond, til innkjøp av felles vatningsvogn for bruk på graseng/dyrka mark i Eksingedalen. Søknadsbeløpet representerer 60 % av innkjøpskostnaden på kr. 27 645,- eks. mva.

Vatningsvogna vart kjøpt inn i 2021, og er teken i bruk.

Føretaka driv gardsbruk på Nesheim i Eksingedalen, høvesvis gbnr. 65/2 og 65/4, og disponerer til saman kring 670 daa med grasareal. Husdyrproduksjonen består av om lag 90 mjølkekyr og kring 130 andre storfe (kviger/kalvar). Begge føretaka har gardsdrift som hovudnæring.

Bakgrunnen for søknaden er stadig oftare tørke i vekstsesongen, med redusert vekst og kvalitet på grasavlingane. Dette kan igjen gå ut over mengda med vinterfôr og driftsøkonomien. Ei vatningsvogn vil i denne samanheng leggje til rette for rasjonell og effektiv vatning ved lite nedbør, og soleis kunne førebyggje skade og sikre avlingane på ein betre måte, i følge søkjarane.

Føretaka har fram til no nytta tankvogn ved vatning, men bruk av vatningsvogn vil vere betre eigna. Andre bønder i Eksingedalen vil òg kunne ha nytte av vatningsvogna ved behov, går det fram av søknaden.

Det kom inn 9 søknadar til søknadsomgangen i november 2022, med ein oppgjeven søknadssum på kring 2,2 millionar kroner. To søkjarar hadde ikkje oppgjeve søknadsbeløp, jf. oversyn som orienteringssak til sakshandsaminga.

Formelt grunnlag

- Vedteker for Vaksdal Kommunale Næringsfond, revidert av kommunestyret den 14.06.22

Vurdering og konsekvensar

Søknaden er vurdert å vere tilstrekkeleg opplyst for sakshandsaming og vedtak, jf. fondsvedtektene § 4 «Stønadsvilkår». Søkjarane innfrir kravet til å vere næringsdrivande, med registrerte føretak i Brønnøysundregistrene, jf. § 2 fjerde avsnitt.

Kommunedirektøren vurderer at ei investering i vatningsvogn er i tråd med næringsfondet sitt føremål om å fremje næringsverksemd i kommunen, jf. § 2. Søkjarane driv med mjølke- og kjøttproduksjon, der god tilgang på grovfôr er avgjerande for drifta og økonomien. Mykje av søkjarane sine areal ligg på elveavsetningar. Desse kan vere utsett for tørke, og på bakgrunn av dagens klima-

og vêrtilhøve, er det grunn til å tru at tørre periodar i vekstsesongen vil oppstå oftare framover. I dette høvet vil behovet for vatningsvogn vere til stade.

I følgje vedtektene § 2 tredje avsnitt, kan midlane frå fondet berre nyttast til investeringar i varige driftsmidlar, eller andre produksjonsfremjande tiltak. I dette høvet vil tilgang på vatningsvogn vere eit viktig, førebyggjande tiltak, og kunne utgjere ein avgjerande faktor for grasvekst i tørre periodar. Vurderinga er difor at kravet til tildeling av midlar etter næringsfondet sine vedtekter, vil vere innfridd.

I følgje vedtektene § 4 skal samla finansiering frå fondet, som hovudregel, ikkje overstige 30 % eller kr. 300 000,- av den totale kapitaltrongen for eit prosjekt. Kommunedirektøren finn grunnlag for å gjere nytte av øvre, prosentvise finansiering. Dette gjev kr. 82 693,- i tilskot, som representerer halvparten av søknadsbeløpet. Innstillinga til stønadsbeløp er òg vurdert opp mot andre innkomne søknadar, saldoen til fondet og tilgjengeleg fondskapital.

I vurderinga er det tatt høgd for at vatningsvogna er kjøpt inn og teken i bruk. I utgangspunktet ville det vore naturleg å finansierte innkjøpet gjennom Vaksdal Landbruksfond, men fondet har ikkje vore tilgjengeleg for tildeling dei siste åra, grunna kravet til bunden grunnkapital (1,7 millionar). Fondet, med fondssaldo, er no overført til næringsfondet, og midlane er soleis gjort tilgjengelege for tildeling.

Vedtektene prioriterer felles innkjøp av maskinar/utstyr, gjennom samarbeid mellom gardbrukarar.

Konklusjon

Kommunedirektøren gjer framlegg om å løyve inntil kr. 82 693,- i tilskot frå Vaksdal Kommunal Næringsfond, til innkjøp av vatningsvogn for bruk på jordbruksareal i Eksingedalen. Tilskotet vert vurdert å vere i samsvar med føremålet for fondet, jf. vedtektene § 2.